



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Clüveri[i] Germaniæ Antiquæ Libri tres

Clüver, Philipp

Lugduni Batavorum, 1631

Illvstr[isssi]mis Atqve Poten[isssi]mis Hollandiæ Ordinibvs Philippvs
Cluverivs.

urn:nbn:de:hbz:466:1-44541



ILLVSTR^{MIS} ATQVE POTENT^{MIS}

HOLLANDIÆ
ORDINIBVS

PHILIPPVS CLUVERIVS.



OPVS hoc, Illustrissimi ac potentissimi domini, de MAGNA illâ & vastâ GERMANIA nostrâ, durissimis curis mihi elaboratum, cur vestro potissimum, inter tot clarissimæ famæ principis Germaniæ, dicare voluerim nomini, complures fuere causæ. quarum omnium prima ac maxima erat; quod nominis Germanici, jam antiquissimis temporibus, ob libertatis avitæ immensum studium ac fortissimam defensionem, Romanis juxtâ Græcisque monumentis celebratissimi, claritudinem vos nunc uni, cum vicinis atque fœderatis vestris, iisdem rebus, quibus olim majores vestri, per universum terræ orbem, apud omnes gentes, populos, atque reges, sedulo summâ cum laude ac gloriâ tuemini. tum etiam constat, nullam gentem, nullos gentium reges vel principis, bonarum literarum curam tam arctè cum armorum studio conjunxisse, ac vos hætenus fecistis, etiam in extremo bellorum ac pugnarum ardore armorumque crepitu scholas juventuti erudiendæ crebras aperiundo, literarumque secretiorum cultores per ingentia præmia è longinquiore terris exciando. Vnde mihi etiam spes haud dubia, sed fiducia certa, hos quoque meos labores vobis fore non ingratos nec inacceptos: utique quum ipsum hoc opus potissimâ sui parte in vestro solo, id est, in inclyto ac gratissimo Musarum domicilio, Lugduno ad Rhenum, productum sit. Cui ego

loco (ingenuè fatear) notitiam secretioris geographiae debeo omnem. nam licet magistrum nullum, nisi bonos auctores & industriam meam habuerim, quorum beneficio, secundum Deum, eam consequutus sim: tamen maximè ad eam incitarunt, cum magnorum ejus luminum, Gerardi Mercatoris & Abrahami Ortelii, aliorumque, quos vestra simul conterminaque tulerunt alueruntque terra, memoria ac monimenta, tum frequens hodièque ejusdem scientiae in vestris maximè urbibus excultio. Ac sanè licet alia quoque literarum genera quamfelicissimè apud vos tractentur; tamen geographiae studium vestra vicinorumque vestrorum, praè omnibus aliis gentibus, meritò sibi posteriori hoc aëo vendicant terra. Proinde & ego indignè me facturum ratus sum, si hanc laudem aliò, quàm ubi nata sit, conferre conarer. Sed & alia his accessit causa gravissima: nempe, quòd jam pridem tantis clementiae vestrae obstrictus sim beneficiis, uti ea studiis atque officiis meis deditissimis exaequare me umquam posse desperem. Tum verò jam antea, quatuor circiter abhinc annis, particulam hujus operis, quàm vestri maximè soli claritudo, majorumque vestrorum, nobilissimae ac bellicosissimae Batavorum gentis, celebrabatur gloria, Illustritudini vestrae, ceu primitias laborum meorum geographicorum, obtuleram. quas, semel vestro nomini sacratas, nunc aliò transferre, tantum abest uti dignum esse judicem, uti reliquum etiam opus, per se satis magnum, omne illis adjicere, jus fasque existimem. Vestrae igitur, Illustrissimi domini, sit mansuetudinis atque clementiae, hilari id ac benignà fronte recipere; studiumque hoc haud indignum judicare, quod inter alias eximioris notae literas magis magisque excultum velit. Mibi sanè numquam deerit animus, totam ei impendere aetatem; dummodò gratam me publico bono operam locare intelligam. De cetero Deam immortalem & omnium rerum potentem precor venerorque, rempublicam vestram opulentissimam florentissimamque aeternum propitius atque benignus felicitet: det perpetuam concordiam, & candida laetaque omnia. Lugduni ad Rhenum; VI ante Idus Septembris, anni cIoIoc xv.

PRAE-